



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 37. S. Euthymius Theodosio resistit.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.  
A. C. 452.

Dorotheus, Palæstinæ Præses, inter has turbas, contra Barbaros in Regione Moabitarum arma movebat; comperto, quid interim Jerosolymæ actum, ocius cum delectis cohortibus, ut animos pacaret, advenit; at, qui partes Theodosii, & Eudociæ tuebantur, venientem, clausis portis, tamdiu excluderunt, donec promisisset, se schismati cum omnibus Monachis, & tota Civitate adhæsurum. His artibus Theodosius viginti Mensibus Sedem Jerosolymitanam tenuit.

§. XXXVII.

*S. Euthymius Theodosio resistit.*

*vita S. Euthym. p. 56.* Theodosius, quis crederet, nulli industris pepercit, ut S. Euthymium sibi consentientem haberet. Cum primo virum Sanctum vocari jussisset, ille Jerosolymam ire renuit. Tum misit Theodosius duos Abbates, Elpidium, S. Passarionis Discipulum, & Successorem, & Gerontium, Monasterii S. Melaniæ Rectorem. Ad hos S. Euthymius: *Hoc Deus a me avertat, ut Theodosii vel criminis, vel erroris particeps fiam.* Elpidius, & Gerontius responderunt: *ergo nihil superest, quam ut Nestorii dogma recipimus, in Concilio Calcedonensi stabilitum, & dicamus, in Jesu Christo duas Naturas confiteri oportere?* S. Euthymius reposuit: *omnia Concilii Acta non legi,*  
quar-

quantum vero Fidei Formulam contingit, Sæculum V.  
A.C. 450.  
nihil in ea, quod reprehendi possit, invenio. Deinde explicavit, qua ratione

Concilium duas in Jesu Christo Naturas confiteretur, nempe secundum S. Cyrilli Doctrinam sine ulla Personæ divisione. Elpidio S. Euthymii sermo placuit, affirmavitque, eum esse Fidei Catholicæ consentaneum; tamen necdum Theodosii Communionem rejecit. Gerontius pertinaciter in errore perseveravit, & sic, animis divisi, regressi sunt. Interim Theodosius non erubescerat, alios, aliosque ad S. virum mittere, qui ipsum pervertere conarentur, is vero multo magis Hæretici hujus impudentiam horrens, Abbates monuit, ne cum Schismaticis communicarent, & in deserti interiora recessit. Multi Anachoretarum, comperta Euthymii fuga, Magistrum secuti sunt. S. Euthymius, usque dum Theodosius expulsus fuisset, in illa Solitudine permansit.

Supra ceteros celebris erat Anachoreta, cui nomen Gerasimus; is postquam in Lycia, Patria sua, vitam Monasticam diu duxisset, nuper advenerat, in deserto ad ripas Jordanis moraturus. Cum aliis Anachoretis in errorem Theodosii inductus, ubi fama percepit, virtutibus clarissimis S. Euthymium fulgere, Rubam ad ipsum venit; multis diebus ibi

*Hist. Eccles. Tom. VI.*      X x      con-

p. 59.

Sæculum V.  
A. C. 452. conversatus, decreto Concilii Calcedo-  
nensis consensit, & Theodosii Commu-  
nioni cum aliis quatuor Anachoretis, Pe-  
tro, cui Cognomentum, *Tournit*, Mar-  
co, Jullone, & Silvano, renunciavit. Ge-  
rasimus in loco, non ultra quartam Leu-  
cæ partem a fluvio distante, Lauram, &  
Monasterium ædificavit. Laura septua-  
ginta cellulis, interposito semper spatio  
separatis, constituebatur, in medio stabat  
Monasterium, Novitiorum, & juniorum  
fratrum habitationi destinatum; in cel-  
lulis Monachi, qui ad altiorem perfectio-  
nis gradum ascenderant, degebant. Soli  
in singulis cellis per quinque Hebdoma-  
dæ dies, scilicet a Die Lunæ, usque ad  
Diem Veneris permanebant, & exeuntes,  
ostium relinquebant apertum, ut indica-  
rent, se nihil habere, quo non & alii uti  
possent, si vellent. Diebus Sabbati, &  
Dominicis, ad Communionem in Mona-  
sterium se conferebant. S. Gerasimus  
obiit anno 474. septima Martii, qua die  
Ecclesia ipsius memoriam agit.

*vita S. Cy-  
priac. p. 107.  
Martyr. R.  
5. Mart.*

## §. XXXVIII.

*Abbas Gelasius Theodosio adversatur.*

*Cotel. Mon.  
Gr. tom. 1.  
p. 415.* Inter illos, qui pro Concilio Calcedo-  
nensi steterunt, & magno animo caput  
furenti Theodosio objecerunt, Gelasius  
Abbas fuit. Theodosius Schismatis sui  
initio ad Gelasii Monasterium delatus, in  
Conci-